

摘藻堂四庫全書薈要

史部

欽定四庫全書薈要

史部

通典卷一百

三十八至
四十

詳校官員外郎臣潘紹觀



欽定四庫全書薈要卷九千二百五十六

史部

通典卷一百三十八

唐京兆杜佑君卿纂

禮九十八 開元禮纂類三十三 凶五

三品以上喪上 四品以下至庶人附

初終

有疾丈夫婦人各齊於正寢北墉下東首

墉牆也東首順生氣養

者男子婦人皆朝服齊親飲藥子先嘗之

嘗度其所堪疾困

去故衣加新衣

爲人來穢惡也

徹樂清掃內外

爲賓客來問

分禱所

祀盡孝子之情也

五祀及所封境內名山大川四祀品五品祀中雷門戶竈行六品以下祀門及行

侍者

四人俱四人以下

坐持手足

爲不能自屈伸內喪則婦人持之

遺言則書

之屬續以候氣

續新綿置於口鼻

氣絕廢牀寢於地

人始生在地庶其生

氣反也

主人啼餘皆哭

哀有深淺者

男子易以白布衣被髮徒

跣婦人青縑衣被髮不徒跣

女子亦然

父爲長子爲人後者爲其

本生父母皆素冠不徒跣女子子嫁者髻六品以下內外皆著素服妻妾皆被髮徒跣女子子不徒跣出嫁者

髻出後人者爲本生父母素服不徒跣主人主婦衣服無改男女隨事設帷幃

齊縗以下丈夫

素冠婦人去首飾

謂齊縗婦人也

內外皆素服

素服謂有服者白布十五升無

服者不服列綵則常所素衣

主人坐於牀東啼踊無數衆主人在主

人之後兄弟之子以下又在其後俱西面南上哭妻坐

於牀西妾及女子子在妻之後哭踊無數兄弟之女以

下又在其後俱東面南上藉橐哭坐

六品以下又孫及兄弟孫在諸子之

後女孫及兄弟女孫在兄弟女子內外之際隔以行帷

子之後服精麤爲坐先後下准此

帷堂內門祖父以下於帷東北壁下南面西上祖母以

下於帷西北壁下南面東上皆舒席坐哭

六品以下爲嫡子三年者

則草外姻丈夫於戶外之東北面西上婦人於主婦西

南北面東上皆舒席坐哭

若舍窄則宗親丈夫在戶外之東北面西上外姻丈夫在

戶外之西諸內喪則尊行丈夫外親丈夫席位於前堂

若戶外之左右俱南面宗親戶東西上外親戶西東上

凡喪位皆以服精麤爲序國官位於門內之東重行北

面以西爲上俱衰中帕頭舒豪薦坐參佐位於門內之

西重行北面以東爲上俱素服舒席坐哭

自國官以下六品以下無

斬縗三日不食齊縗二日不食大功一日不食小功總

麻再不食

復始死則復

復於正寢復者三人

復謂招魂復魄四品五品則二人

皆常服以死者

之上服左荷之升自前東雷

六品以下則升自前東榮榮屋翼也當屋履

危北面西上

棟

左執領右執腰招以左每招長聲呼某

復男子皆稱字及伯仲婦人稱姓其復者

三呼而止以

衣投於前承之以篋

六品以下以箱

升自阼階入以覆尸

若得魂魄

返復者徹舍西北扉降自後西

不由前降不以虛返因

不可居然自是行死事所徹扉之復衣不以襲斂浴則
薪以充煑沐六品以下西榮餘同

設牀

設牀於室戶內之西去脚舒簟設枕施幄六品以下去

裙遷尸於牀南首覆用斂衾去死衣斂衾大斂所用之

衣病時所加新衣楔齒用角柶爲將綴足以燕几校在南拘也

校几脛也尸南首几脛在南以拘之則不使辟戾侍者坐持之其內外哭位如

始死之儀乃奠

奠六品以下於含而後奠文與此同

奠以脯醢酒用吉器無巾柶升自阼階奠於尸東當牖

鬼神無象故設奠以依憑內喪內贊者皆受於戶外而設之凡內喪皆內贊

者行既奠贊者降出帷堂初氣絕室內隨事設帷至此

遣赴赴禮合在此下含篇後爲與

沐浴自沐浴下至設重其事皆可同時而興

掌事者掘塹於階間近西南其廣尺長二尺深三尺南其壤爲塊竈於西墻下東向以俟煮沐新盆盤瓶六甌

四品五品四甌

六品以下二甌皆濯之陳於西階下

新此器者重死事埋竈累土爲竈盆

以盛水盤以承濡濯瓶以汲也

甌瓦甕受二升有蓋濯謂滌溉沐巾一浴巾二用絺若

紃實於笄

中所以拭也浴中二者上體下體異絺細葛紃麤葛也笄竹器也

櫛實於箱

若簞浴衣實於篋

浴衣以浴所衣之衣其制今之眠帕也六品以下櫛及浴衣各實於箱

皆具於西序下南上水浙稷米

六品以下浙梁米

取潘煮之又

汲爲湯以俟浴以盆盛潘及沐盤升自西階授沐者執

潘及盤入主人皆出戶外

象平生沐浴子孫不在旁主人出而袒簣謂牀簣去席

主人以下於戶東北面西上主婦以下皆於戶西北面

東上俱立哭其尊行者丈夫於主人之東北面西上婦人於主婦之西北面東上俱坐哭婦人權幃以帷主人以下既出及沐櫛櫛梳束髮用組柜用巾柜晞也清也浴則四

人六品以下則二人

抗衾二人浴拭用巾柜用浴衣設牀於戶

東衽下莞上簟浴者舉尸易牀設枕翦髮斷爪如平常鬚髮爪盛以小囊大斂內於棺楔齒之柶浴巾皆埋於塋寘之著明衣衣裳以方巾覆面仍以大斂之衾覆之訖内外入就位哭乃襲

襲

陳襲事於房內襲衣三稱

六品以下一稱

西領南上

朝服一稱常服二稱

凡陳衣者實之以箱筐承以席

明衣裳

今用生絹單衫

舄

六品以下履一

帛巾一方

尺八寸充耳用白纁面衣用玄方尺纁裏組繫

六品以下裏亦

纁握手用玄纁裏長尺二寸廣五寸削約於內旁寸著

以綿組繫

握手手所握者面衣及手衣皆通餘色六品以下繫手衣一具

執服者陳襲

衣庶綖繼陳不用

庶衆也不用不襲也多將襲具牀席陳之爲榮少納之爲實

於西階西內外皆出哭於戶外其位如浴時襲者以牀

升入設於尸東布枕席如初自庶襪繼陳以下六品以下無執服者陳

襲衣於席祝去巾

六品以下襲者去巾

加面衣設充耳著握手納

舄若履

凡衣死者左衽不組將襲辟奠既襲則設六品以下皆納履著手衣

既襲乃覆以

大斂之衾

始死時所覆衾

內外俱入復位坐哭

諸尊者於卑幼之喪及嫂叔兄

弟娣姪婦哭朝晡之間非有事則休於別室

含

贊者奉盤水及筭

筭竹器

飯用梁含用璧

四品五品用稷與璧六品以下

梁與

升堂含者盥手於戶外贊者沃盥含者洗梁璧四品

五品洗稷璧六實於筭執以入祝從入北面六品以下無祝從

徹枕去楔受筭奠於尸東含者六品以下主人含坐於牀東西

面鑿巾

巾先覆面將含當口鑿之六品以下去巾

納飯含於尸口既含主人

復位楔齒之柩與沐巾同埋於坎六品以下於此後用奠與上文同

赴闕六品以下無

遣使赴於闕使者進立於西階東面南上主人詣使者

前北面曰臣某之父某官臣薨

若母若妻各隨其稱四品以下言死餘同謹

遣某官臣姓某奏聞訖再拜使者出主人哭入復位

勅使弔

使者公服入立於寢門外之西東面相者入告主人素冠降自西階迎於寢門外見賓不哭先入立於門右北面內外皆止哭開帷帷堂之帷事畢則下之使者入升立西階東

面進主人於階下北面使者稱有勅主人再拜使者宣

勅云某封位薨

無封者稱姓位四品五品云某封喪餘同

情以惻然如何不

淑主人哭拜稽顙內外皆哭使者出主人拜送於大門外親故爲使弔者既出易服入向尸立哭十數聲止降

出主人唯勅使出升降自西階

主人升降自西階者親始死未忍當主位

銘銘名旌也

帛以絳廣充幅

四品以下廣終幅

長九尺韜杠

杠名旌竿也杠之長准其絳也

王公以下杠爲龍首四品五品幅長八尺龍首韜杠六品以下幅長六尺韜杠

書曰某官封之

樞在棺曰樞婦人其夫有官封云某官封夫人姓之樞子有官封者云太夫人之樞郡縣君隨其稱若無封

者云某姓官之樞置於宇西階上六品以下亦如之

重

重木刊鑿之爲懸孔也長八尺

四品五品長七尺六品以下六尺

橫者

半之置於庭三分庭一在南以沐之米爲粥實於甌既實以踈布蓋其口繫以竹密懸於重木覆用葦席北向屈兩端交於後西端在上綴以竹密祝取銘置於重殯堂前楹下夾以葦席簾門以布又設葦障於庭

陳小斂衣

小斂之禮以喪之明日各陳其斂衣一十九稱

無者各隨所辨

六品以下服一稱於東房西領下則衫

朝服一稱自餘皆常服陳於東序

四品五品以下於東房

西領北上笏一凡斂非正色不入絺綌不

入乃奠

將小斂又奠

奠

饌於東堂下

凡奠器皆素六品以下簋豆無漆以下至虞祭其器同

瓦甒二實醴

及酒解二

六品以下瓦甒一實酒解一

角柶一

六品以下無

少牢及腊

六品

以下三俎籩豆各八

籩實鹽脯棗栗之屬也豆實醢醬藟苴之類也四品五品則籩豆各

六六品以下籩豆之數各二實亦如之

設盥盥於饌東布巾

爲奠者設盥喪事畧故無

洗贊者辟脯醢之奠於尸牀西南乃斂

小斂

將小斂具牀席於堂西又設盆盥於西階之西如東方
爲舉尸斂者盥訖與執服者以斂衣入主人以下少退
者設盥西面主婦以下少退東面內外俱哭斂者斂訖覆以夷
衾設牀於堂下西楹間衽下莞上簟尸臥有枕卒斂開
帷主人以下西面憑哭主婦以下東向憑哭俱南上凡
尸父母先訖退乃斂髮
妻子後

斂髮

男子斂髮衰巾帕頭

六品以下則男子以衰巾束髮

女子斂髮而髻主

人以下立哭於尸東西面南上主婦以下坐哭於尸西
東面南上祖父母以下仍哭於位各如初外姻丈夫婦
人哭於位各如初斂者舉尸男女從奉之遷於堂仍覆
以夷衾棺哭位皆如室內

奠

贊者盥手奉饌至階豆去蓋籩俎去巾冪升奠於尸東
醴酒奠於饌南西上訖其俎祝受巾巾之

六品以下奉
饌升奠於尸

東訖斂者奠者徹襲奠自西階降出下帷內外俱坐哭有
受巾巾之

國官僚佐者以官代哭無者以親踈爲之夜則爲燎於庭厥明滅燎乃大斂

陳大斂衣

大斂之禮以小斂之明日其日夙興陳衣於序東三十

稱無官各隨所辦六品以下上服三稱西領南上

各具上服一稱西領南上自

餘皆常服冕具導簪纓在北內喪花釵衾一

衾以黃爲表素爲裏

六品以下朝服公服常服具各爲一稱制用隨所有

奠

奠於堂東階下兩甒醴及酒

六品以下甒酒置於席

醴在南各加

勺

六品以下無

篚在東南肆

四品五品云東肆

實角觶二木柶一品

六

以下一豆豆在甒北籩次之牢饌如小斂籩豆俎皆冪以

功布有簞席素几功布巾在饌北掘殯埴於西階之上

喪從外來者殯於西楹之間

乃斂

大斂

將大斂棺入內外皆止哭升棺於殯所棺中之具灰炭

枕席之類皆先設於棺内置棺訖內外皆哭焚八筐

所焚

以惑蚍蜉令不至棺旁四品五
品則六筐六品以下則二筐

黍稷梁各二

六品以下無

皆

加魚腊燭俟於饌東設盃盥於東階東南

六品以下設盃盥於饌西

祝盥訖

六品以下掌事者盥於門外

升自阼階徹巾者授執巾執巾

者降待於阼階下祝盥

六品以下掌事者盥

贊者徹小斂之饌降

自西階設於序西南當西雷

六品以下西榮

如設於堂上

堂上謂尸

東凡奠設序西者事畢而去之

乃適於東階下新饌所帷堂內外皆少

退立哭御者斂丈夫加冠婦人加花釵覆以衾

六品以下御者

設覆斂訖開帷主人以下西面憑哭主婦以下東面憑

哭退復位次諸親憑哭斂者四人舉牀男女從奉之奉尸斂於棺乃加蓋覆以夷衾內外皆復位如初設焚穀首足各一筐旁各二筐

六品以下一筐

以木覆棺上乃塗之設

帛於殯上

帛極上承塵

祝取銘置於殯

六品以下既殯設靈座於殯東

奠

將奠執巾凡席者升自阼階入設於室之西南隅東面

右几加以巾

四品以下升自阼階設於座右加以巾

贊者以饌升入室西

面設於席前

六品以下設於靈座前席上殯於外者施蓋訖設大斂之奠於殯東

祝受巾

巾俎

六品以下掌事者受巾

奠者降自西階以出下帷內外皆就

位哭如初既殯設靈座於下室西間東向施牀几案屏

幃服飾以時上膳羞及湯沐皆如平生當殷奠之日不

饋於下室

下室謂燕寢無下室者則設靈座於殯東朝夕進常食之具於靈前如平常也自當殷奠

之日以下六品以下無文

廬次

將成服掌事者先爲廬於殯堂東廊下

六品以下於牖下

近南

北戶設苫由於廬內

諸子各一廬凡廬五品以上營之

齊縗於廬南累

鑿爲堊室俱北戶翦蒲爲席不緣

父兄不次殯所各在其正寢之東爲廬次

堊室祖爲嫡孫居堊室有牀皆南面西出戶

父不爲衆子次於外

於庶子略自若居寢

大功於堊室之南張帷席以蒲小功緦麻於大功之南設牀席以蒲婦人次於西房若殯後施下牀殯堂無房者次於後若別室

成服

三日成服

皆除去死日數六品以下則并死日爲三日

內外皆哭盡哀內外

俱降就次著縗服無服者仍素服相者引主人以下俱

杖

三日而後食杖而後能起衆子皆杖以病故也童子婦人不能病故不杖亦不居廬不著菲屨若嫡子雖

童亦杖幼不能自杖人代執之所謂當室杖者也自此以後唯嫡子及有爵之庶子皆得杖在位其庶子無爵者杖於他所不杖在位凡正寢戶內曰室戶外曰堂虞杖不入室祔杖不升堂以今言之即廬靈堂戶之內外也周人祔在卒哭今之百日也哀衰敬生故其杖不升靈寢當之堂前其緣服及杖皆致之於廬內應杖者朝夕哭則杖之若孝子出無異適唯向殯及向墳墓而已遠則乘車近則使人代執杖六品以下則不著菲屨

升立哭於殯東西向南上齊纓以下就位婦人升詣殯

西位若殯逼西壁婦人皆位於殯北南面東上

尊行者坐內

外皆哭盡哀諸子孫就祖父及諸父前跪哭皆撫哭盡

哀就祖母前哭亦如之女子子對祖母及諸母哭遂就祖

父前哭如男子之儀唯諸父不撫之耳訖各復位伯叔

母以下就主婦哭亦如之

如遭親喪孝子荒迷三日而食及成服矣以尊卑内外聚

居哀

諸尊者降出還次主人以下降立於阼階下外姻

在南少退俱西面北上哭盡哀各還次闔戶小功以下

各還歸其家自成服之後諸尊者及婦人於諸親男女

之喪有事則哭於殯所無事有時須哭者或在正寢則

於北壁下舒席南面坐哭父母喪食粥朝米四合暮米

四合不能食粥以米爲飯婦人皆以米爲飯

朝夕哭奠

朝奠日出夕奠日入

每日先具朝奠於東階下

瓦甒二實以醴及酒桴杓疏布冪角解一本柶二簋一豆

一實以脯醢也六品以下瓦甒一實以酒素勺疏布冪簋一豆一實脯醢內外夙興各纁服

凡言纁服應杖者皆杖以下准此

男子就東階下位

若升哭於殯東也其位如始成服之

式婦人升詣殯西位內外皆哭

凡朝夕哭皆開帷

質明堂事者

升自阼階入徹奠出置於序西南如殯東之儀又以朝

奠入至阼階豆去蓋簋甒去巾冪升阼階入設於室如

初執饌者出降自西階日出後少頃內外皆止哭各還次朝夕之間主人及諸子妻妾女子子哭於其次無時至夕內外俱就位哭徹朝奠進夕奠如初儀日入後內外俱止哭各還次哭者出闔門自是以後至於啓殯每朝夕如上儀既殯大功以下異門者歸於家

賓弔 親故同

賓至掌次者引之次賓著素服相者入告內外縗服相者引主人以下立哭於阼階下婦人升哭於殯西相者

引賓入立於庭北面西上爲首者一人進當主人東面立云如何不淑主人哭再拜稽顙爲首者復北面位弔者俱哭十餘舉聲相者引出少頃相者引主人以下各還次

親故哭

五品以上無

若有親故哭殯者內外俱升就殯堂位尊者坐

若賓敵體以上

賓初入則起賓坐亦坐賓起亦起

內外俱哭相者引賓入升堂立於殯

東西面南上尊者坐俱哭盡哀尊者起相者引出卑者

再拜訖乃就主人前稍南東北面執爵相者引以次出
恩深者賓拜訖主哭盡哀
或就孝子撫哭盡哀而出
少頃相者引主人以下降還次

州縣官長弔

若刺史哭其所部主人設席於柩東西向刺史素服將
到相者引主人去杖立於門內之左北面刺史入升自
東階即座西向坐哭主人升就位哭刺史哭盡哀將起
主人降復階下位刺史降出主人拜送於大門外杖哭

而入

刺史遣使弔

若刺史遣使弔使者至掌次者引就次內外俱縗服主人以下就階下位婦人入就堂上位內外俱哭使者素服執書相者引入門而左立於階間東面使者致辭主人拜稽顙相者引主人進詣使者前西面受書退復位左右進受書主人拜送於位相者引使者出使者若自入弔哭如上弔儀客出少頃內外止哭各就位

親故遣使致賻

六品以下無

使者立於大門外之西東面從者以篚奉玄纁束帛立

於使者西南俱東面

凡賻通以貨財使者隨執其物不限以玄纁

相者入告

主人立哭相者進主人前東面受命出詣使者前西面

曰敢請事使之從者以篚進詣使者前西向以授使者

退復位使者曰某封若某官

無官封者即稱某子

使某賻相者入

告出曰孤某須矣相者引使者入立於內門外之西東

面主人止哭使者少進東面曰某封若某官使某賻主

人哭再拜使者少進坐委之興復位掌事者進坐舉之興以東相者引使者出主人拜送若使者致物不以器掌事者迓受之不委於地其餘賻物從者執之立於使者東南北面西上掌事者受之以東藏之

殷奠

每朔望具殷奠饌於東堂下瓦甒二實以醴及酒角解二角杞一少牢及腊三俎二簋二簠二釶六籩六豆設盆盥於饌東布巾爲奠者盥其日內外夙興縗服升就位哭

質明執饌者徹宿奠遂以饌入至阼階去巾蓋升入室
設於席前酌奠訖罍俎以中執饌者降自西階以出少
頃內外各還次既出闔門及夕執饌者升徹殷奠進夕
奠如常禮若有薦新如朔奠薦五穀若時物新出者其日不饋於

下室不饋於室者爲殷有黍稷

卜宅兆六品以下筮宅

既度宅兆堀四隅外其壤堀中南其壤宅葬居也兆域也南其壤者爲

將北首故壤南既朝哭主人遂哭出乘堊車詣宅兆所出國門

止哭

六品以下出郭門止哭

掌事者先設主人以下次於宅兆東

南將到主人又哭至宅兆所主人停於次止哭泣卜者

一人

國官若僚佐之長泣之無者親屬爲之

緇布冠不綏布深衣因喪屨

泣卜者非國官則吉冠素服

祝及卜師凡行事者皆吉冠素服掌事

者布卜筮席於兆南北向西上相者引泣卜筮者及祝

立於卜筮席西南東面南上卜師筮師立於祝南東面

北上相者引主人詣卜筮席南十五步許當內壤北向

立相者立於主人之左少南俱北向親賓及從者立於

筮席東南重行西面諸親北上諸賓南上立定相者少進東面稱事具退復位主人免首經左擁之泣卜者進

立於主人東北西面卜師抱龜筮師開贛出策兼執之

贛藏策器

執贛以擊策

擊之以動其神

進立於泣卜前東面南上泣

卜者命曰孤子姓名爲父某官封某甫

某甫父字也無封者去封四品

以下父祖稱孤子孤孫母及祖母稱哀子哀孫下皆准此

度茲幽宅無有後艱

度謀度也

宅居也言爲父卜筮葬居今謀此以爲幽冥居域之處得無有後艱難乎謂有非常崩壞若內喪云爲某母夫

人某氏

卜師筮師俱曰諾遂述命訖右旋就席北面坐命

龜筮東面稱占曰從還本位主人經哭從者哭盡哀止
相者進主人之左東面稱禮畢相者遂引主人退立於
東南隅西面又相者引卜者立於主人之後重行西面
俱北上掌事者徹卜席當安墓處立一標又於四隅各
立一標當南門兩廂各立一標祝師掌事者入鋪后土
氏神席於墓左南向設酒罇於神座東南加勺罍設洗
於酒罇東南壘水在洗東篚在洗西南肆篚實以巾相
爵加以罍者引告者及祝與執罇壘篚者俱立於壘洗東南重行

西面以北爲上

國官若僚佐之長若無國官僚佐者親賓及主人告俱去經杖

立定俱

再拜祝與執罇壘篚者先立於罇壘篚之後執饌者以

脯醢跪設於神座前興還本位相者引告者詣壘洗盥

手洗爵詣酒罇所酌進跪奠於神座前興少退北向立

祝持版進於神座之右東面跪讀祝文曰維年月朔日

子某官姓名

若主人自告父稱孤子母稱哀子名字

敢昭告於后土氏之

神今爲某官姓名

若主人自告云爲父某官封某甫母太夫人若郡君某氏各隨官職稱者

營建宅兆神其保佑俾無後艱謹以清酌脯醢祇薦於

后土之神尚饗訖興告者再拜相者引告者還本位西面再拜相者引出掌事以下俱復位再拜遂徹饌席罇壘以出主人哭還去墓三里許止哭及國門又哭內外升哭於位主人入升詣殯前北面哭盡哀止哭西面再拜降就次有國官僚佐從主人入就門內哭主人拜俱再拜主人降就次若不從又卜筮擇地如初儀

卜葬日 六品以下筮日

既朝哭主人及諸子以下出立於殯門外之東壁下西

面南上卜師抱龜

六品以下筮人執贛贛藏策器

在其南東面闔門東

扇主婦立於其內掌事者設卜席於闔外闔西相者詣

主人前東面告事具遂引主人立於門南北面相者立

於主人之左少退俱北面主人免首經左擁之泣卜者

進立於主人東北西面卜師少進

筮則筮人開贛出策兼執之少進

泣

卜前東面受命泣卜命曰孤子某來日卜葬某父某官

封某甫

母則云爲某母太夫人某氏

考降無有近悔

考登也降下也言卜此日葬云

神上下得無近於咎悔

卜師曰諾遂述命訖右旋進就席西面坐

六品以下
執轡擊筮

命龜曰假爾太龜有常乃作龜

筮云太筮

訖興以

龜退東面稱占曰從

筮云以卦東面稱占曰從順

主人經興諸子以

下哭盡哀相者告於主婦哭入遂使人告於親賓

諸親及僚

友卜日卜師以龜退

筮則筮人不來者卜師以轡退

掌事者徹卜席相者進

六品以下
泣筮進

告禮畢主人興諸子以下入升詣殯前北面

立哭內外俱哭盡哀內外各還次若不從又卜擇如初

儀

啓殯

葬有期前一日之夕掌事者除葦障備啓奠

具饌如大斂

設

賓次於大門外之右南向立内外夕哭如常儀啓殯之

日内外夙興縗服主人及諸子皆去冠經以衰巾帕頭

國官亦以

内外升階就位哭

尊行者坐國官及僚佐就下位哭之

祝縗服

執功布

功布長五尺也六品以下祝素服執功布長三尺

升自東階詣殯南北

向内外皆止哭祝三聲噫嘻乃曰謹以吉辰啓殯既告

内外皆哭盡哀内外各還次祝降與執饌者升徹宿奠

如常祝取銘置於重北建之掌事者升徹殯塗訖設席

於柩東升殯於席上又設席於柩東祝執功布升以拂

柩覆用夷衾降出周設帷東面開戶

若不爲坎而殯則徹塗訖設席於柩

東

相者引主人以下升哭於帷東西向妻妾女子子以

下哭帷西東向俱南上諸祖父以下哭於帷東北壁下

南面西上諸祖母以下哭於帷西北壁下南面東上外

姻丈夫帷東北面西上婦人帷西北面東上

尊者坐

內外

俱哭祝與進饌者各以奠升設於柩東席上祝酌醴奠

之內外俱哭於位如未成服之禮親賓致奠如別儀有

國官僚佐者以官代哭無者以親疎爲之晝夜不絕聲

贈諡六品以下無

告贈諡於柩

無贈者設啓奠訖即告諡

其日主人入升立於饌東西

面祝持贈諡文升自東階進立於柩東南北向內外皆止哭祝少進跪讀文訖興主人哭拜稽顙內外應拜者皆再拜祝進跪奠贈諡文於柩東興退復位內外皆就位坐哭

親賓致奠

啓之日親賓致奠於主人設啓奠後諸奠者入立於寢

門之外東向

謂卑幼者其有故則遣使

祭具陳於奠者東南北向西

上相者入告内外卑者皆興立哭於位又相者引奠者入升當樞東西面奠者哭祭具從升於樞東奠者之西西向南上設饌訖執饌者降出奠者止哭詣酒罇所取爵酌酒跪奠於樞東興少退西面立内外皆止哭奠者曰某封若某位伯叔

各從官爵稱之

將歸幽宅謹奉奠若異姓

各從其稱若使者云某封若某姓位聞某封若某官將

歸幽宅使某奉辭奠畢應拜者再拜內外皆哭主人哭拜稽顙奠者哭盡哀止相者引執事者以次徹饌而去

通典卷一百三十八

欽定四庫全書薈要卷九千二百五十七

史部

通典卷一百三十九

唐 京兆 杜佑 君卿 纂

禮九十九 開元禮纂類三十四 凶六

三品以上喪中 四品以下至庶人附

將葬陳車位

啟日之夕納柩車於大門之內當門南向進靈車於柩車之右內外所乘之車陳於大門外丈夫之車門西婦

人之車門東俱服重者在上

以近門及北方爲上

女子子妻妾之

車以木爲之不漆飾無者以蘧蔭衣車以蒲纏轅轂若

白土堊之以麤布爲幌幰周及大功之車以白土堊之

或衣蘧蔭皆以布爲幌幰

其布如服布也

掌事者先於宿所張

吉凶帳幕凶帷在西吉帷在東俱南向設靈座於吉帷

下如常式

陳器用

啟之夕發引前五刻槌一鼓爲一嚴

無鼓者量時而行事

陳布吉

凶儀仗方相

黃金四目爲方相六品以下設魃頭之車魃頭兩目也

誌石大棺車

及明器以下陳於柩車之前一品引四披六鐸左右各

八黼翬二黻翬二畫翬二

二品三品引二披四鐸左右各六翬翬二畫翬二四品五

品引二披二鐸左右各四翬翬二畫翬二六品以下引二披二鐸畫翬各二唯無黼黻翬耳凡引者轎車索也披者繫於轎車四周在旁執之以備傾覆鐸者以銅爲之所以節挽翬者以木爲筐廣二尺高二尺四寸其形方兩角高衣以白布柄長五尺翬翬二畫翬二黼翬文於翬之內緣畫以雲氣畫翬者內外四緣皆畫雲氣庶人無引披鐸翬

進引

二刻頃槌二鼓爲二嚴

六品以下無鼓嚴

掌饌者徹啟奠以出

初徹奠內外俱興立哭於位執紼者皆入掌事徹帷持

翣者升以翣障柩執紼者升執鐸者入夾西階立執纛

者入當西階南北面立

六品以下無纛下皆准此

掌事者取重出倚

於門外之東執旌者立於執纛南北面

諸執披紼鐸旌纛翣者皆布深

衣介幘六品以下但執旌者立於西階南北面餘皆同

陳布將訖槌三鼓爲三嚴

進靈車於內門外南向祝以腰輿詣靈座前

內喪則婦人執腰輿

祝於輿左西向跪昭告曰孤子某

母云哀子

謹用吉辰奉歸

先寢

若新卜宅云奉遷幽宅四品以下先兆幽宅

靈車就引神道紆回惟以

荒寥無任鯁絕興立少頃腰輿出降自西階羽儀

六品以下

云威儀

從者如平生詣靈車後少頃輿退

引輜四品以下舉柩下皆如此

將引輜

輜即柩車

執鐸者俱振鐸引輜降就階間南向初輜

動及進止執鐸者皆振鐸每振者先搖之搖訖三振之

其持翬者常以翬障於輜降階執燹者却行而引輜止則迴北面立執旌者亦漸而南輜止迴北向立主人以

下以次從輶而降主婦又次其後降

輶在庭位

輶至庭

庭內先施席以居

主人及諸子以下立哭於輶東西向

南上祖父以下立哭於輶東北南向西上異姓之丈夫

立哭於主人東南西面北上婦人以次從降妻妾女子

子以下立哭於輶西東向南上祖母以下立哭於輶西

北南向東上異姓之婦人立哭於主婦西南東面北上

內外之際障以行帷

凡帷用如服布

國官立哭於執紼者東南

北面西上

六品下無國官

僚佐立哭於執紼者西南北面東上

祖奠

庭位既定祝帥執饌者設祖奠於輜東如大斂之儀祝酌奠訖進饌南北面跪曰永遷之禮靈辰不留謹奉柩車式遵祖道尚饗少頃徹之

輜出升車

執披者執前後披執紼者引輜出

四品以下無

輜車動旌先

纛次主人以下從哭於輜車後婦人次哭於後輜出到

輜車執紼者解紼屬於輜車

四品以下唯柩出到輜車餘同

設帷障於

輜車後執紼執披者如常遂升柩內外俱哭位如在庭之儀

遣奠

既升柩祝與執饌者設遣奠於柩東如祖奠之儀祝酌奠於饌前少頃徹之

遣車

既遣奠掌事者以蒲葦苞牲體下節七苞

四品五品五苞六品以下

二以繩束之盛以盤載於車列旌前

器行序

徹遣奠靈車動從者如常鼓吹振作而行

六品以下無鼓吹

去

靈車後次方相車

六品以下
魃頭車也

次誌石車次大棺車次輜

車

誌石與大棺若先設者不入
陳布之次四品以下無輜車

次明器輿次下帳輿次

米輿

五穀米實以五笥各
斗三升幕用疏布

次酒脯醢輿

酒實以壺各五
升幕用功布醢

實於二甕各二
升幕用疏布

次苞牲輿次食輿

食盤椀具自足方相
以下駕士馭士昇明

器下帳等人皆介幘深衣
六品以下魃頭無駕士

次銘旌次纛次鐸

鐸分
左右次輜

車

諸孝從柩車序

主人及諸子俱經杖纓服

禿者纓巾加經

徒跣哭從諸丈夫婦

人各依服精廬以次而從哭出門內外尊行者皆乘車
馬哭不絕聲

郭門親賓歸

出郭若親賓送者權停柩車內外尊行者皆下車馬依
服之廬細爲序立哭如式相者引親賓以次就柩車之

左向柩立哭盡哀畢者再拜而退婦人亦如之

諸孝乘車

親賓既還內外乘車馬

若墓遠及病不堪步者雖無親賓還主人及諸子亦乘聖車去

塋三百步皆下

宿止

靈車到帷門外迴南向進腰輿於靈車後羽儀從者如常少頃輿入詣靈座前少頃降出遂進常食於靈座若

食頃徹之

每至停宿之所於室設靈座進食如初

柩車到入凶帷停於西

廂南轅祝設几席於柩車東

宿處哭位

初至宿處內外皆就柩車所主人及諸子以下於柩車之東西面南上妻妾女子子婦人於柩車之西東面南上祖父以下柩車東北南面西上異族有服者於柩車東南西面北上祖母以下於柩車西北南面東上異姓婦人又於柩車西南東面北上國官於帷外柩之東北面西上僚佐於柩之西北面東上俱立哭

自國官以下六品無

行次奠

凡停宿進酒脯之奠於柩東如朝奠之儀既設奠內外各還次迭哭不絕聲及夕內外就柩車所哭進夕奠如朝奠之儀訖迭哭如常厥明又就位哭進朝奠亦如之若食頃徹之吉凶儀仗依式發引內外從哭如初儀

親賓致賄

賓有賄禮在主人設祖奠之時賓立於大門外西廂東面從者以篚奉玄纁立於賓西南俱東面牽馬者以馬

陳於賓東南北首西上相者入告遂詣主人之左北面
受命出對賓前西面曰敢請事賓曰某敢賄相者入告
出曰孤某須矣賓之從者坐奠篚取幣興詣賓前西面
以授賓退復位相者引賓入牽馬先以馬入陳於輜車
南北首西上

六品以下
於輜車南

賓入由馬西當輜車東南北面

立內外權止哭賓曰某諡封若某位將歸幽宅敢致賄
辭畢而哭內外皆哭主人拜稽顙賓止哭相者引賓進
輜車東西面奠幣於車上相者引賓又由輜車前以西

而出初賓出掌事者由主人右詣輜車東西面舉幣以

東東藏也受馬者由前旋牽馬者後適其右受之牽者由

前以西而出賓將出主人拜稽顙送之

塋夕

前一日之夕掌事者先於墓門內道西張帷幕設靈座
如初

到墓

乘車者卑行見墳而下尊者及塋而下序哭靈車至帷門

外迴車南向祝以腰輿詣靈車後少頃入詣靈座前少頃以輿降出遂設酒脯之奠如初柩車至壙前迴南向丈夫婦人之位如遣奠之儀

陳明器

掌事者陳明器於壙東南西北上

下柩哭序

進輜車

四品以下布席

於柩車之後張帷下柩於輜丈夫柩東

婦人柩西以次進憑柩哭盡哀各退復位內外卑者再

拜辭訣相者引主人以下哭於羨道東西面北上妻及
女子子以下婦人皆障以行帷哭於羨道西東面北上
入墓

施席於壙戶內之西

四品以下遂下柩於壙空

執紼者屬紼於輜

六品

以下無執紼者

遂下柩於壙戶內席上北首覆以夷衾

墓中祭器序

輜出

四品以上無輜車但有持翼者

持翼者入倚翼於壙兩廂遂以下

帳張於柩東南面米酒脯陳於下帳東北食盤設於下

帳前苞牲置於四隅醯醢陳於食盤之南籍以版明器設於壙內之左右

掩壙

掌事者以玄纁授主人主人授祝祝奉以入奠於靈座主人拜稽顙旌銘誌石於壙門之內置設訖掩戶設闌籥遂復土三主人以下稽顙哭盡哀俱就靈所哭掌儀者設祭后土於墓左如後儀

祭后土

先於墓左除地爲祭所，柩車到，祝吉服鋪后土氏神席。北方南向，設酒罇於神座東南，北向設洗於酒罇東南。北向罍水在洗東，篚在洗西南，肆以巾爵實於篚。既復土告者吉服。

國官僚佐之長無者親賓充也

相者引告者與祝及執罇

罍篚者俱立於罍洗東南，重行西面以北爲首，立定俱再拜祝。與執罇罍篚者俱就罇罍篚之後，相者進告者之左，北面曰：「請事掌饌者以饌。」入祝迎，引設於神座前，置設訖，掌饌者出相者引告者詣罍洗盥手，洗爵相者

引告者詣酒樽所執樽者舉罍告者酌酒進跪奠神座
前俛伏興少退北向立祝持版進於神座之右東面跪
讀祝文曰維年月朔日子某官姓名敢昭告於后土之
神某官封諡寔茲幽宅神其保佑俾無後艱謹以犧牲
粢盛庶品明薦於后土之神尚饗訖興告者再拜祝進
跪奠版於神座興還樽所相者引告者退復位再拜相
者引告者出祝以下俱復位再拜徹饌席以出

反哭

既下於塋槨一鼓爲一嚴

無鼓者量時陳布也

掩墓戶槨二鼓爲

再嚴內外就靈所槨三鼓爲三嚴徹酒脯之奠進靈車

於帷外陳布儀衛

六品以下唯陳布也

如來儀又進腰輿入詣靈

座前少頃出詣靈車後少頃輿退靈車發行內外從哭

如初儀出墓門尊行者乘車馬去墓百步許卑者乘馬

以哭從靈車到第內外皆下車馬靈車入至西階前迴

南向祝以腰輿詣靈車後少頃升入詣靈座前主人以

下從升立於靈座東西面南上少頃腰輿降出內外俱

升諸祖父以下哭於帷東北壁下南面西上妻及女子
子以下婦人哭於靈西東面南上諸祖母以下哭於帷
西北壁下南面東上外姻哭於南廂丈夫於帷東北面
西上婦人於帷西北面東上有親賓弔哭者升堂西向
靈哭如常其弔於庭者稱痛當奈何餘如常儀盡一哀
相者引主人以下降各還次沐浴以俟虞

斬綵者沐而不櫛齊綵者

櫛以下

虞祭

樞既入壙國官若僚佐之長與祝

六品以下無國官以下同

先歸修

虞事牢饌如殷奠器用烏漆先造虞主以烏漆匱匱之

盛於廂烏漆趺一皆置於別所

虞主用桑主皆長一尺方四寸上頂圓徑一寸

八分四廂各刻一寸一分又上下四方通孔徑九分其匱底蓋俱方底自下而上蓋從上而下與底齊其趺方一尺厚三寸將祭出神主置於座其匱安於神主之後四品以下無具饌於堂東靈車將

至掌事者先施靈座於寢堂室內戶西東向於靈車之

南北設帷東出戶

若室內窄則設靈座於堂

腰輿將入祝奉虞主入

置於靈座東向設素几於右

自腰輿以下四品以下無

掌事者設洗

於西階西南北向東西當西雷

六品以下西榮

南北以堂深壘

水在洗西篚在洗東南肆篚實爵一巾一加冕設瓦甒
二於靈座之左北墉下醴酒在東幕用絺加勺南柄既
沐浴主人及諸子妻妾女子子內外升詣靈所主人及
諸子倚杖於室戶外及應拜者哭於靈東西如初內外
皆哭祝與執罇壘篚者各就罇壘篚所立執饌者以饌
入俱升自東階陳設如殷奠之儀訖掌饌者降出相者
引主人降自西階詣壘洗主人止哭執壘洗者酌水主

人盥手執篚者取巾於篚興授主人主人拭手訖受巾

奠於篚又取爵興以授主人執壘洗者又酌水主人洗

廢爵爵無足者執篚者又授巾主人拭爵訖受巾奠於篚相

者引主人升自西階詣酒樽所執樽者舉罍主人酌醴

相者引主人進詣靈座前西向跪奠爵於饌前俛伏興

少退西向立祝以祝文進立於神座之右北面內外皆

止哭祝跪讀祝曰維年月朔日子孤子哀子某孫稱哀孫此爲

母及祖母所稱也父敢昭告於考某官封諡妣則云妣夫人某氏

孫爲喪主 日月遄速奄及反虞叩地號天五情糜潰謹則稱祖妣

以潔牲柔毛剛鬣明粢薌合薌其嘉蔬嘉薦醴齊

四品以下

謹以潔牲剛鬣嘉薦普淖明齊粢酒餘同哀薦祫事於考某官封諡尚饗祝

興主人哭再拜內外應哭者皆哭再拜祝進跪奠版於

靈座興出復位哭盡哀相者引主人以下出杖降西階

各就次妻妾女子以下各還別室祝闔戶與執罇壘

者降出少頃祝與掌饌者入開戶徹饌祝匱主

四品以下無主

闔戶已出掌事者埋重於門外道左間日再虞後日三

虞禮皆與初虞同又間日爲卒哭祭其虞祝辭再虞云
哀薦虞事第三虞云哀薦成事

卒哭祭

前一日之夕掌事者改廬翦屏柱楣塗廬不塗見面廬

裏不塗廬外

翦蒲爲席不緣以木爲枕牢饌始虞祭其日夙

興祝入燭先升自阼階入於室祝整拂几筵啟匱出神

主置於座以出

自啟匱以下四品以下無

掌事者設洗於西階西南

北向東西當西雷

六品以下當西禁

南北以堂深壘水在洗西

篚在洗東南肆篚實爵一巾一加冕設瓦甒二於靈座

之左北墉下醴酒在東幕用絺加勺南柄掌事者具饌

於堂東祝與執罇壘篚者先入立於罇壘篚之後內外

纁服俱升主人及諸子倚杖於室戶外俱立於靈座東

西面南上妻妾女子子立於靈座東西面南上內外各

就位坐哭

應拜者立

掌饌者以饌升入設於靈座前相者引

主人降自西階詣壘洗主人止哭盥手洗爵相者引主

人升自西階入詣酒罇所主人酌醴相者引主人進跪

奠於靈座俛伏興少退西面立應拜者陪於後祝持版
入立於靈座之南北面內外止哭祝跪讀祝文曰維年
月朔日子哀子某敢昭告於考某官封謚妣云妣某夫
人氏日月不居奄及卒哭追慕永往攀號無逮謹以潔
牲柔毛剛鬣明粢薌合薌其嘉蔬嘉薦醴齊

四品以下
謹以潔牲

柔毛剛鬣嘉薦普淖明齊淲酒餘同六品
以下無柔毛餘與四品五品同下皆准此

哀薦成事於

考某官封謚尚饗主人以下哭再拜內外應拜者皆再

拜哭祝興進跪奠版於靈座興還蹲所

祝讀版訖興跪
進版與主人哭

同相者引主人退復位哭盡哀內外各還次祝闔戶與執樽罍者降出少頃與掌饌者入開戶徹饌祝匱神主闔戶以出自卒哭之後朝一哭夕一哭蔬食飲水周而小祥

小祥祭

主人有司先制粟主并跌匱等如喪主之禮

四品以下無

前

一日之夕毀廬爲堊室設蒲席周喪堊室者除之設地席陳練冠於次主人及諸子俱沐浴櫛爪翦牢饌及器

如卒哭禮其日夙興祝入燭先升自阼階入於室

四品以下

無主人加整拂几筵以出

祝於靈座之西更設喪主座東向祝奉喪

主置於座訖祝出迎栗主入置於舊靈祝開匱奉出栗

主置於靈座訖設几於右乃出

四品以下無奉主儀

掌事者設罍

洗篚於西階西南如初篚實爵一巾一加罍設瓦甒二

於靈座之左北墉下醴酒在東罍用絺加勺南柄具饌

於堂東祝與執罇罍篚者先入立於罇罍篚之後內外

纁服主人倚杖於階東俱升就位

應拜者立

哭盡哀相者引

降主人杖就次主婦以下各就次主人及諸子除首經
著練冠妻妾女子子除腰經周服者皆除之丈夫素服
吉冠屨婦人素服吉屨相者引主人及諸子倚杖如初
內外俱升就位哭掌饌者以饌升自東階入設於靈座
前設訖掌饌者降自西階以出相者引主人降自西階
詣壘洗主人止哭盥手洗爵相者引主人升自西階入
詣酒樽所酌醴進跪奠於靈座前俛伏興少退西面立
祝持版進立於靈座之右北面內外皆止哭祝跪讀祝

文曰維年月朔日子哀子

父歿稱孤

某敢昭告於考某官封

謚

妣云妣夫
人某氏

歲月警迫奄及小祥攀慕永遠重增屠裂

謹以潔牲柔毛剛鬣明粢薌合薌其嘉蔬嘉薦醴齊

四品

以下謹以潔牲柔毛剛鬣
嘉薦普淖明齊淲酒餘同

祇薦祥事於考某官封謚尚

饗主人哭再拜內外應拜者皆再拜哭祝興進跪奠版

於靈座前興還罇所

主人哭拜與祝
興奠版同時

相者引主人就位

哭盡哀內外各還次

主人依
次立

祝闔戶與執罇壘者降出

少頃祝與進饌者入開戶徹饌祝匱主闔戶以降其喪

主祝奉出埋之於廟門外之左

四品以下但祝闔戶以降無置主儀

自小

祥之後止朝夕之哭

哭無時哀至則哭

始食菜果飯素食飲水

漿無鹽酪不能食鹽酪可又周而大祥

大祥祭

前一日之夕除堊室張帷入備內外受服

謂之大祥之服各於

其次主人及諸子俱沐浴櫛爪翦牢饌及器如小祥之

禮其日夙興內外各服其縗服並於次哭盡哀除服者

著除服訖又哭盡哀止昧爽前

六品以下云夙興

祝入燭先升

自阼階入於室祝整拂靈筵啟匱出神主置於座右几

筵以出

四品以下唯祝入整拂几筵以出

掌事者設罍洗篚於西階西

南如初篚實爵一巾一加冕設瓦甒二於靈座之左北牖下醴酒在東幕用絺加勺南柄具饌於堂東祝與執罇罍者先入立於罇罍之後內外俱升就位哭掌饌者以饌升自東階入設於座前置設訖掌饌者降自西階以出相者引主人降自西階詣罍洗主人止哭盥手洗爵相者引主人升自西階詣酒罇所酌醴進跪奠於靈

前俛伏興少退西面立祝持版進立於座之右北面內

外皆止哭祝跪讀祝文曰維年月朔日子哀子

父喪稱孤子

某敢昭告於某官封諡

姓云姓夫
人某氏

日月逾邁奄及大祥

攀慕永遠無任荒踣謹以潔牲柔毛剛鬣明粢薌合薌

其嘉蔬嘉薦醴齊

四品以下謹以潔牲柔毛剛鬣嘉薦普淖明齊澂酒餘同

祇薦祥

事於考某官封諡尚饗主人哭再拜應拜者皆再拜哭

祝興進跪奠版於靈座興還罇所相者引主人就位哭

盡哀主人以下各還外寢妻妾女子子以下還於寢祝

闔戶與執罇壘者降出少頃掌饌者入開戶徹饌祝匱

主

四品以下但掌事者除靈座

闔戶而出閒月而禪自大祥之後外

無哭者食有醢醬

禪祭

前一日掌事者先備內外禪服各陳於別所主人及諸子俱沐浴櫛爪翦仍宿於外寢牢饌及器如大祥之禮其日夙興祝入燭先升拂几筵啟匱出神主置於座

四品

以下唯設几筵於奠

掌事者設壘洗篚於東階東南如常篚實爵

一巾一加冕設瓦甒二於座之左北牖下醴酒在東冕
用絺加勺南柄具饌於堂東祝與執樽壘篚者先入立
於樽壘篚之後主人及諸子妻妾女子子仍祥服爲長者
二年內外俱升就位哭盡哀降釋祥服應禪服者著禪
亦祥服相者引主人以下俱升就位哭掌饌者以饌入升設
於座前訖執饌者出相者引主人降自東階詣壘洗盥
手洗爵相者引主人升自東階詣酒樽所酌醴進跪奠
於座前俛伏興少退西面立祝持版進立於座之右北

面內外皆止哭祝讀祝文曰維年月朔日子孤子某敢

昭告於考某官封謚

妣曰妣夫
人某氏

禫制有期追遠無及謹

以潔牲柔毛剛鬣明粢薌合薌其嘉蔬嘉薦醴齊

四品以下

謹以潔牲柔毛剛鬣嘉薦普淖明齊淲酒餘同

祇薦禫事於考某官封謚尚饗

主人哭再拜應拜者再拜內外皆哭祝興跪進奠版於座還蹲所相者引主人以下出降自東階還寢內相者內引妻妾女子子以下降自西階側還於寢祝闔戶與執樽罍者降出少頃掌饌者入開戶徹饌以出祝匱神

主闔戶以降祔廟如別儀自禪之後內無哭者始飲醴酒食乾肉

祔廟

六品以下云祔祭將祔卜日如常儀四品以下筮日如常儀

將祔掌事者先於始祖廟室內西壁下爲埽室

四品以下無此

儀前三日主人及亞獻終獻及諸執事者俱散齋二日

致齋一日前一日掌事者清掃室之内外其廟應遞遷

者皆出神主置於座

四品以下但遞遷者設座無神主下同

主人以酒脯

告遷訖遂移牀幄以次遷神主置於幄座又奠酒脯醢

以安神少頃掌饌以出掌廟者以次匱神主納於塹室

訖六品以下但前一日掌事者清掃正寢之內外其日未明掌事者設曾祖之座於正寢室內之奧東向

又設考之祔座於曾祖室內東壁下西向右几

祔則祔於曾祖

姑亦如之言曾祖及曾祖姑皆據孝子之言於亡者祖及祖姑也祔於曾祖則曾祖姑配有事於尊可以及卑者六品以下設考之祔座於曾祖座東北南向皆右几餘同設主人位於東階東南

西向設子孫位於南門內道東北面西上設亞獻終獻

位於主人東南設掌事以下位於終獻東南俱西面北

上亞獻終獻以國官僚佐若無親賓充設贊唱者位於主人西南西面設

酒樽於堂上室戶之東南北向西上設洗於阼階東南

北向東西當東雷

六品以下云東榮

南北以堂深壘水在洗東

篚在洗西南肆篚實爵三巾二加冕

其爵數每廟三

祔日內外

夙興掌饌者先具少牢之饌二座各俎三簋二

六品以下具特

牲之饌二座各俎一簋二餘同

簋二鉶二酒樽二其二樽一實玄酒爲

上一實清酒次之

上樽如玄酒者重古

其籩豆一品者各十二

三品各八四品五品各六六品以下者各四

主人及行事者各服祭服掌事

者具腰輿掌廟者開神主置於座降出

曾祖妣神主並而處右若祔妣

則出曾祖妣神主而已

執罇罍篚者入就位

四品以下則主人以下皆入就位又諸婦

人停於門外周以行帷俟祭訖而還六品以下則諸婦人位於西階西南餘與四品以下同

內外俱

就靈室所祝進座前西面告曰以今吉辰奉遷神主於

廟執輿者以輿升入進輿於座前祝納神主於匱置於

輿祝仍扶於左

若祔妣則閭寺之屬扶於右

降自西階子孫內外陪

從於後至廟門諸婦人停於門外周以行帷俟祭訖而

還神主入自南門升自西階入於堂諸子孫從升立於

室戶西重行東面以北爲上行事者從入各就位輿

詣室前迴輿西向祝啓匱出神主於座輿降立於西階

下東向相者引主人以下降自東階各就位

自內外各就靈室以

下四品以下無

祝立定贊唱者曰再拜在位者皆再拜掌饌者

引饌入升自東階入於室各於神座前施設訖掌饌以
下降出相者引主人詣盥洗盥手洗爵升自東階詣酒
罇所執罇者舉罇主人酌酒相者引主人入室進北面
跪奠爵於曾祖神座前俛伏興相者引主人出詣酒罇
所取爵酌酒入室進東向跪奠於神座前俛伏興出戶

北面立

羣祖及考皆如之

祝持版進於室戶外之右東向跪讀

祝文曰維年月朔日子孝曾孫某官封某敢昭告於曾

祖某官封謚

若無官封但云曾祖之靈祔母云曾祖妣夫人某氏不告曾祖

祖某官封

謚若祔母云祖妣某氏以下

考某官封謚

若祔母云妣某氏如父在

不可遽遷祖妣先妣宜於廟東北

某罪積不減歲及免

喪先王制禮練主人祔宗廟上遷昭穆繼序是用適於

皇考封謚以遷王考封謚

祭祔孫某封謚無官封者但以適遷於祖躋祔某孫若

母同祔則云適遷於祖姑夫人某氏以躋祔孫婦夫人某氏各隨所稱無官封者但云以適遷於祖姑某氏以

躋祔孫謹以潔牲剛鬣嘉薦普淖明齊溲酒祇薦於曾婦某氏

祖某官封謚曾祖妣某氏配祖某官封謚祖妣某氏配

考某官封謚

若祔母則云曾祖妣某氏祖妣某氏

尚饗興主人再拜祝進

入奠版於曾祖神座興還罇所相者引主人出降還本

位初主獻將畢相者引亞獻詣壘洗盥手洗爵升詣酒

罇所酌酒入進北面跪奠於曾祖座前俛伏興相者引

亞獻詣酒罇所取爵酌酒入進東面跪奠於祖神座

考亦

如俛伏興出戶北面再拜訖又入室立於西壁下東面

再拜相者引出降復位亞獻將畢相者引終獻詣罍洗

盥手升酌終獻如亞獻之儀訖相者引終獻降復位祝

入徹豆還罇所贊唱曰再拜在位者皆再拜相者引主

人出又相者引在位子孫以下出掌饌者入徹饌以出

掌廟者與祝閭寺者納曾祖神主於坳室出又以腰輿

升詣考神座前祝納主於匱置於輿詣考廟出神主置

於座進酒脯之奠於前少頃徹之祝納神主於坳室

自掌

廟者以下六齋練三年其虞卒哭祥禫變除之節與斬

品以下無

縗同父在爲母爲妻當二祥及禫日月之期雖異其儀
節則同周服以下變除依其月算各以其日之晨備縗
服升就位哭盡哀降詣別室釋縗服著諸服又就位哭
盡哀出就別室終日異門者至外各還其家

通典卷一百三十九

欽定四庫全書薈要卷九千二百五十八

史部

通典卷一百四十

唐 京 兆 杜 佑 君 卿 纂

禮一百 開元禮纂類三十五 凶七

三品以上喪下 四品以下至庶人附

改葬

卜葬

將改葬者吉服卜宅兆其餘如葬卜宅兆之儀先於塋

所隨地之宜張白布帷幕南向開戶

啟請

其日內外諸親應集者皆至墓所各就便次主人衆主人妻妾女子子俱總麻服餘周親以下皆素服丈夫於墓東西向婦人於墓西東向皆北上婦人障以行帷俱立哭盡哀卑者皆拜

開墳

祝立於羨道南北向內外皆哭止祝三聲噫嘻啟以開

墳改葬之故

其意敘改葬所由之事隨時爲之

內外又哭盡哀權就別

所掌事者開墳訖內外又就位哭如初

舉柩

掌事者設席於幕下舉柩出置於席上內外俱從柩哭於幕所主人以下柩東西面主婦以下柩西東面俱南上丈夫周親以下於主人東北南面西上婦人周親以下於主婦西北南面東上外姻丈夫於主人東南北面西上婦人於主婦西南北面東上尊者國官於帷門外

之東北面西上

六品以下無僚佐於帷門外之西北面

國官以下儀僚佐於帷門外之西北面

東上皆舒席爲位

奠

祝以功布拭棺改加新褚設洗於幕西南隅壘水在西
加勺罍筐在洗東南肆巾二爵一於筐加罍設席於柩
東設啟奠於席上設進酒之罇於饌南主人詣壘洗盥
手洗爵進酌酒奠於席前興少退西面再拜内外卑者
俱再拜少頃徹奠

升柩車

既奠進轎車

六品以下柩車下准此

於帷門外南向掌事者升柩

於轎車遂詣施設所內外俱哭從掌事者先設牀於幕

下有枕席周設帷柩車至帷門外丈夫於柩東婦人於

柩西俱立哭掌事者舉柩降柩置於輜入設於牀東

若於

墓所卽歛初奠訖不進轎車設牀於柩東而加枕席遂舉尸以歛之舉尸出置於牀南首

柩初入定內外就位哭如墓所之儀

斂

陳衣於幕東帷內明衣裳及上服各一稱西領南上冕

六品以下則弁若冠

具導簪纓在北內喪則花釵衾一

衾以黃爲表素爲裏

具饌於幕東兩甌醴酒柩初至幕下舉尸於牀主人衆

主人稍退仍西向妻妾女子子稍退仍東向遂斂丈夫

加冕

六品以下則弁若冠

婦人以花釵又覆以衾於主人衆主人

妻妾女子子馮哭斂將訖掌事者以冠入設於西廂藉

以席於棺入內外皆止哭置棺定乃哭舉者四人入舉

牀男女從奉之舉尸斂於棺乃加蓋覆以衾設帷於棺

東內外就位如初

奠

既斂祝執巾几席入設於樞東右几加以巾掌事者設
罍洗於幕西南隅如初祝以饌升設於席前施設訖執
饌者降出相者引主人盥洗酌酒進奠於席前興少頃
西面再拜內外卑者皆再拜訖主人以下各退就位俱
坐哭

設靈

既斂設靈於吉帷內幕下西廂東向施牀帷屏几服飾
以時上膳羞及湯沐皆如平常

進引

前一日之夕掌事者進轎車於凶帷外

六品以下進樞車於凶帷外

當門南向

其下帳明器及苞牲等輿陳於轎車前少西東向

其日進引前量時

刻槌一鼓爲一嚴

六品以下無鼓但量時而已

陳靈車儀仗如常

在陳

車少頃槌二鼓爲再嚴侍靈者俱詣靈所腰輿威儀入

陳如常進靈車於帷外南向少頃三鼓爲三嚴掌事者

入徹饌以出內外皆興立哭於位執紼者入掌事者徹
帷持翼者入以翼障柩執披紼者各進執鐸者各入夾
於柩前東西相向執纛者六品以下無立於鐸南執銘
旌者入立於纛南北面諸執披紼鐸旌纛者皆布深衣
介幘六品以下則執銘旌者立
於柩前近
南面餘同

告遷

三嚴訖祝帥腰輿入詣靈座前西向告曰以今吉辰用
即宅兆少頃輿出詣靈車後少頃退若內喪女
祝迎之執紼者

引輜

四品以下無執紼輜車但將舉柩皆振鐸而已

旌先纛次鐸次輜車而引

輜初動執鐸者皆振鐸每振鐸先搖之搖訖三振之其持翼者常以翼障柩於輜車進執鐸者夾左右每曲及進止皆振鐸內外俱從柩後柩出到輜車後執紼者解紼屬於輜車設帷帳於輜車後掌事者升柩

哭柩車位

丈夫俱立哭於輜車東重行西面婦人哭於輜車西重行東面俱南上外姻丈夫哭於輜車東南重行北面以

西爲上婦人哭於轎車西南重行北面以東爲上國官哭於外姻之東北面西上僚佐哭於國官之西北面東

上立定

六品以下
無國官

設遣奠

設遣奠之饌於轎車東置設訖相者引主人酌酒進奠於席前興少退西面哭再拜內外皆哭卑者再拜若食頃徹之以蒲葦苞牲體下節七苞

四品五品則五苞
六品以下則二苞載

於輿以之墓

輜車發

既徹奠吉凶儀仗依式進引靈車動鼓吹振作而行

六品

以下則既徹奠吉凶威儀依式進引主人衆主人以下皆以次步從哭於

柩車後妻妾女子以下皆步從哭於丈夫之後障以行帷輜車去停所三百步親賓有還者弔哭如別儀辭訖進引尊者乘車馬從柩者更哭不絕聲

宿止

掌事者先於宿所張吉凶帷幕吉帷在右凶帷在左將

至宿所尊者俱下車馬步哭靈車到帷門外迴車南向
祝帥腰輿詣車後少頃輿入詣靈座前少頃輿出進常
食於靈座若食頃徹之柩車至於凶帷內外哭於柩車
所其位如初掌饌者進酒脯之奠於柩車東席上既設
奠內外各還次更哭不絕聲及墓內外俱就位哭進夕
奠如初訖內外各還次迭哭終夜及明嚴鼓內外又就
位哭進朝奠於柩東進常食於靈座若食頃徹之迎靈
發引尊者乘車馬哭從如上儀

到墓

到墓尊者俱下車馬靈車到帷門外迴車南向祝帥腰
輿詣車後少頃輿入詣靈座前少頃輿退設酒脯之奠
柩車至壙前迴車南向內外哭位如遣奠之儀掌事者
布席張帷於柩車後下柩於輜四品以下則下柩於席上主人以下
妻妾女子子各前撫柩哭盡哀退復位周親以下又前
撫哭盡哀退復位俱再拜辭執紼者屬紼於輜掌事者
下柩於壙輜出既窆親賓先還者弔哭如別儀國官之

長奉玄纁束帛

六品以下則掌事者奉玄纁縞

授主人主人受以授祝

主人稽顙再拜祝奉以入奠於柩東持翣者入倚翣於壙內兩廂執事者以下帳明器苞牲酒米等物入置於壙內皆藉以版施銘旌誌石於壙戶內置設訖掌事者掩壙戶加關鑰復土既復土內外俱就靈所哭墓左祭后土如葬之儀

虞祭

初下柩於墓掌事者具虞祭之饌設壘洗筐於靈幕西

南如常內外既就靈所哭掌饌者進虞祭之饌於靈座
相者引主人盥洗酌酒進奠於靈座前興少退西面立
內外皆止哭祝持版進立於靈座之右北面跪讀祝文
曰維年月朔日子孝子某敢昭告於考某官封謚

妣郡縣夫

人鄉君某氏各隨所稱

改遷幽宅禮畢終虞夙夜匪寧啼號罔極

四品以下則攀號永遠無所追及餘同

謹以潔牲柔毛剛鬣明粢薌合薌

其嘉蔬嘉薦醴齊祗薦虞事於考某官封謚

四品五品則謹以潔

牲柔毛剛鬣嘉薦普淖明齊澣酒餘同六品以下無柔毛餘同四品五品

尚饗主人哭再拜

內外皆哭卑者再拜盡哀相者引主人以下出就別所
釋練服著素服而還掌饌者徹饌掌事者徹靈座

王公以下居喪雜制

舉哀

如聞喪哀者於聞喪所哭盡哀問故又哭盡哀改著素
服子妻妾女子子俱被髮周親以下婦人去首飾子於
堂上東壁下西面以南爲上周親以下於北壁下南面
以西爲上妻妾女子子於西壁下東面以南爲上周親

以下婦人於北壁下南面以東爲上內外之際障以帷
若婦人在別堂舉哀則周親以下婦人在北壁下南面
西上

周親以下舉
哀哭位亦然

三日成服及廬堊室苫由薦席變除

之節皆如在家之禮唯不設奠祭

以其精神
不在於此

若除喪而

後歸則之墓諸子以下素服待於墓東西向婦人待於
墓西東向俱北上奔喪者素服至於塋南北面哭盡哀
再拜又哭盡哀再拜於家不哭

奔喪

奔喪之禮如聞親喪以哭答使者盡哀問故又哭盡哀服布深衣素冠遂行日行百里不以夜行唯父母之喪見星而行見星而舍若未得奔則成服而後行過州至境則哭盡哀而止哭避市朝望其州境哭

此父母之喪

至於

家內外哭待於堂上奔喪者入門而左升自西階殯東西面憑殯哭盡哀少退再拜退於序東被髮復殯東西面坐哭又盡哀尊卑撫哭如常訖內外各還次奔喪者乃還以厥明坐於殯東如初未成服者三日成服

若至在小

斂前與主人俱成服若小斂以後至者自用日數

凡奔喪齊縗望鄉而哭大功

望門而哭小功至門而哭總麻即位而哭齊縗以下奔

喪者升殯東西哭主人以下哭待於堂上如常奔喪者

哭盡哀再拜又哭盡哀尊卑撫哭亦如之訖內外各還

次三日成服者賓弔者拜賓如常奔喪者非主人則主

人爲之拜賓婦人奔喪入自闈門

側門曰闈

升自西階側殯

西東面妻妾女子子則滯殯哭盡哀少退再拜退於西

房若西室妻妾女子子被髮

出嫁女改髻

復位坐哭又盡哀

尊卑撫哭如常內外俱還次奔喪者乃還次周喪以下
婦人奔喪者升哭拜又盡哀尊卑撫哭及還次皆如之
奔喪者不及殯先之墓北面近隧哭主人以下哭待於
墓左西面主婦以下哭待於墓右東面皆北上

主人以下內外

初至墓先拜而後哭於相者禮畢則再拜辭

奔喪者盡哀再拜又於隧東被

髮復位坐哭盡哀相者告禮畢奔喪者又再拜遂冠而
歸入門而左升自西階靈東西面涕靈哭主人以下升
於堂上如常奔喪者哭盡哀再拜若經宿主人以下哭

盡哀皆再拜哭降堂相者告就次主人以下各就次三日成服齊縗周以下不及殯先之墓西面哭盡哀再拜又哭盡哀相者告禮畢奔喪者再拜遂冠而歸哭就次如上儀奔喪者若妻妾女子子皆被髮於隧西哭盡哀髻如常餘如男子齊縗周以下婦人奔喪哭於隧西餘如丈夫之禮

三殯

三殯之喪始死浴襲及大小斂與成人同其長殯有棺

及大棺中殤下殤有棺靈筵祭奠進食葬送哭泣之位
與成人同其苞牲及明器長殤三分減一中殤三分減
二唯不復魂無含事辦而葬不立神主既虞而除靈座
其虞祝辭云維年月朔日父云告子某若兄云告弟某
若弟云弟某昭告某兄日月易往奄及反虞悲念相續
心焉如燬

兄云悲傷猥至情何可處今以弟祭兄則潔
弟曰悲痛無已至情如割云謹以

牲嘉薦普淖明齊溲酒薦虞事於子某弟某兄某魂其
饗之

弟祭兄
云尚饗

嫡殤者時享皆附食於祖無別祝文亦不

拜設祔食之座於祖座之左西面一獻而已不祝
不拜者以其從食其祖祝辭末云孫其祔食

庶子

不祔食庶子之嫡祔如嫡殤禮凡無服四歲以上畧與
下殤同又無靈筵唯大斂小斂奠而已三歲以下斂以
瓦棺葬於園又不奠

初喪聚主

凡遭喪廟有主者則取羣廟之主藏於祖廟卒哭而後
主各歸其廟

藏於祖廟象
有凶事聚也

飲食節

父母之喪食粥朝一溢米暮一溢米

二十兩曰溢一溢爲米升二十四分

升之一也

不能食粥則以爲飯菜羹婦人皆以爲飯諸纓經

之喪蔬食飲水不食菜果三月既葬食肉不飲酒九月之喪猶周之喪

哭節

凡哭斬纓若往而不反齊纓若往而反大功三曲而偯小功總麻哀容可

居常節

父母之喪居倚廬寢苦枕函寢不脫經帶頭有瘡則沐

身有瘍則浴有疾則飲酒食肉疾止復初不勝喪乃比

於不慈不孝毀瘠不形視聽不衰

爲其廢事形衰骨見

升降不由

阼階出入不當門隧

常若親存隧道也

五十不致毀六十不毀

七十唯縗麻在身飲酒食肉處於內

所以養衰老人年五十始衰

喪

食雖惡必充虛虛而廢事非禮飽而志衰亦非禮視不

明聽不聰行不正不知哀君子病之斬縗唯而不對齊

縗對而不言大功言而不議小功總麻議而不及樂故

喪事不言樂

非其時也

父母之喪不避泣涕而見人

言重喪不行求

見人人來見已可以見之不避涕泣言至哀無飾也

非喪事不言言而不語對而

不問

言者言已事爲人說爲語

言而事行者杖而起身自執事而後

行者面垢而已

杖而起謂有官爵者面垢而已謂庶人

凡廬堊室之內不

與人坐在堊室之內非時見於母則不入門居喪未葬

讀喪禮既葬讀祭禮兄弟各處異方而父母喪各依聞

喪日月而除之三年之喪凡見人皆不去經父母之喪

賓客已弔而重來者主人哭而見其去也又哭之其未

葬必備縗經而後見居父母之喪遠行而還者必告父

有艱未除則子不衣文綵三年之喪雖功縗而不弔

功縗

謂既練之後服布如大功謂之功縗

凡三年及周喪不數閏

禫則數之

以閏月

亡者祥及忌日皆以閏所祔之月爲正庶子不爲長子
斬不繼祖與禰也

不及期葬

速葬者速虞三月而後卒哭

謂不及期而葬既葬即虞安神也卒哭之祭待哀殺

父母之喪周而葬者則以葬之後月小祥其大祥則依

再周之禮禫亦如之若再周而後葬者則以葬之後月
練又後月爲大祥祥而即吉無復禫矣其未再周葬者
則以二十五月練二十六月祥二十七月禫必練祥禫者明深衣
不可頓除之故爲之漸以安孝子之心禫一月者終二十七月之數
唯主喪者不除其餘各終月數而除之皆無受服至葬
乃反其服虞則除之若亡失尸柩則變除如常禮

外喪

凡死於外者小斂而反則子素服練巾帕頭徒跣而從

大斂而反亦如之凡死於外大斂而反毀門西牆而入

諱名

卒哭而諱凡父之所諱子亦諱之母之所諱不言於內妻之所諱不言於其側

追服

小功以下日月過制而聞喪則不追服

猶爲舉哀

降而在緦

小功者追服之生不及祖父母諸父母兄弟而父追服

已則否

謂子生於外者父以他故居異邦而生已不及見此親存時歸見之今其死於喪服年月已

過乃聞之父爲之服已則否者不責非時之思於人所不能當其時則服之

喪冠嫁娶

因喪冠者雖三年之喪可也既冠於次入哭盡哀乃出

言雖者明齊縗以下皆可因喪冠也以其冠月因喪服則冠矣非其冠月待變除卒哭而冠也次廬也大

功之末可以冠子嫁子父小功之末可以冠子可以嫁

子可以娶婦已雖小功既卒哭可以冠娶妻下殤之小

功則不可

此皆謂可用吉禮之時也父大功卒哭而可冠子嫁子小功卒哭而可娶婦已大功卒哭

可以冠子小功卒哭可以娶妻必皆祭乃行也下殤小功齊縗之親除而後婚凡冠者其時當冠則因喪而冠

也 三年喪如遺之酒肉則受之必三辭主人纁經而受

之

受之必正服明不苟於滋味也

如君命則不敢辭受而薦之

薦之於宗廟貴

君之禮

父母之喪不遺人

居重喪者志不在施惠

人遺之雖酒肉受

也 三年之喪既葬尊者遺之食則食不避梁肉若酒醴

則辭也

見於顏色者則不可

樂禁

父有服子不與爲樂母有服聲聞焉不舉樂妻有服不舉樂於其側大功至則辟琴瑟小功至則不絕樂

主諸喪

凡主兄弟之喪雖疎必虞

此謂兄弟或在他方或無肩嗣而爲之主

婚遇喪

娶妻有吉日而婿之父母喪則婿之伯叔父使人致命於女氏曰某之子有父母之喪不得嗣爲兄弟使某致命女氏受命而不敢嫁婿旣免喪女父母使人請之婿弗取而後嫁之禮也女之父母喪亦如之親迎在途而婿之父母死則女素服總總以赴喪其縗服與成服之

禮同婿除喪之後束帶相見不行初婚之禮女在塗而女之父母死則反婿親迎未至而有周大功之喪則夫改服於外次婦改服於內次即位而哭既虞卒哭婿入束帶相見而已不行初婚之禮娶婦有吉日而婦死婿齊縗而往弔既葬除之夫死亦如之妻服斬縗

室次節

爲人後者爲其父母居堊室舅姑服嫡婦不爲次昆弟之女適人者不爲次次謂堊室之屬也

居重問輕

諸先遭重喪後遭輕喪皆爲制服往哭則服之反則服其重服其除之也亦服其服而除有殯聞遠兄弟之喪

哭之他室

明所哭者異哭之爲位凡言兄弟小功總麻之親皆是

無他室哭於門

內之右

近南者謂之變位也

入奠卒奠出改服即位如始即位之

禮

謂後日之哭也朝入奠於其殯既乃更即位就他室哭如始至之時

通典卷一百四十



總校官庶吉士臣侍朝

校對官庶吉士臣章宗瀛

謄錄監生臣王思恭

財團法人
佛陀教育基金會
釋淨空
敬贈

